


民國續修歷城縣志

毛承霖
纂修



本書五十四卷，據民國十五年（一九二六）歷城縣志局鉛印本影印。

序

戊午冬十月鞏權歷城縣篆凡百措施諸待稽鑑乃屬胥吏檢櫬存舊志則應日久矣失修案無存書坊間亦渺善本余睽然久之竊謂歷城為齊魯首邑文物之盛區域之廣甲於通省今竟無志書可供參考甯非憾事間有舊藏大都紙板模糊完璧難得且時代變遷今古異尚縱有舊志亦應續修方足以資考鏡非然者微特政事興革視為缺憾而歷下百餘年來之名賢碩士烈女貞婦文獻掌故俱湮沒而無聞豈不可惜於是決志纂修商之邑中耆紳張振卿總憲毛稚雲觀察均欣然樂為提倡因擇地設局延聘績學之士著手編纂洎癸亥秋調署泰安計時已五載猶未成續歷城縣志

序

濟南大公印務公司印

書蓋因籌款維艱不能廣聘通儒又兼編纂諸君相繼殞謝或從事他方失修之歲既久而任事之人更鮮也甲子秋稿已粗成方付排印去歲值南北戰事孔亟地方人心惶恐又不無停頓直至今歲秋始完全裝訂成編余適在省垣聿觀厥成差幸初願克償而轉歎張毛二公之不及待也朱邑不能忘情於桐鄉余賸是編蓋不禁中心之怍怍已

丙寅中秋節後前知歷城縣事汾陽靳鞏序

續修歷城縣志序

齊魯乃秉禮之邦歷邑為省會之地詩有之曰泰山巖巖魯邦所瞻歷城界泰嶽之陰且在黃河流域中又有鵲華明湖之勝所以鍾靈毓秀代不乏人或以文學著或以才名重或以政事稱其他孝義節烈更難觀縷數若無成書以資參證奚以彰前徽昭來許况夫世變遷流文獻何存由斯以談縣志之在歷邑所關為尤鉅矣

續歷城縣志

序

濟南大公印務公司印

嘉鴻供職京曹歷有年矣乙丑來東其秋奉檄權歷邑自慚博櫟恐懼弗勝下車之始即求縣志一書以備溜覽冀以覘前賢之嘉言碩德洞悉舊事藉資考鏡無如舊板既已模糊而又多年失修追晤邑中諸父老始悉方事續修縣志已竭六七年之心力旁求博訪搜羅故實續加編纂今者書既告成自乾隆中葉迄宣統紀元後百數十年中一代典章完全具備固足徵諸紳之苦心孤詣不憚艱辛卒底厥成而適緝縣符亦與有榮焉遂不揣固陋而為之弁言

滕鴻嘉謹序

續修歷城縣志序

民國十五年丙寅續修歷城縣志排印將成邑侯滕君鴻嘉徵序於余夫歷邑之有志創始於明季劉氏成書於清初葉氏閱百餘年至乾隆中葉重修於邑宰桂林胡氏又百六十餘年至宣統世變多故而邑乘闕如及辛亥而國體變更邑紳毛君承霖感時事之變遷懼文獻之淪喪於是乃有續修之舉閱六年迄今而告成其書發凡起例一依胡氏其審慎詳核亦足繼胡氏而與之並而其關係之鉅纂訂之難則有什伯於胡志者何也當乾隆中葉世際休明典章文物大備士生其間者罔不優游歷飫於詩書之府六藝之林率能探討乎掌故研求乎成蹟究極夫地方利弊之所

續歷城縣志

毛序

濟南大公印務公司印

在以養成其學識雖隱居教授皓首無聞而文獻之徵於焉斯在歷為齊魯首邑風會所趨人才尤彬彬焉胡氏於是置官局延名流搜遺而訪失正譌而增脫彙羣材而成一書宜若甚易乃讀其弁言則其難其慎兢兢焉以不竟厥事為恐甚矣志書之難為也自清季變法圖強佔畢之儒為世詬病改革以來舉世之人視前代之典章無關於治亂曾不足以少留意而一二老成凋零殆盡其存者或牽於事變或因於兵荒儼然不可以終日奚暇從事於丹鉛哉而毛君獨與二三同志慨然任之卒底於成其視胡志之難易概可知矣夫歷之為邑舊矣而志書之作實始於有清葉氏開之於其始胡氏踵之於其繼而毛君則成之於其終後之覽者

猶得據此一代之完書考知一邑之形勝與風俗人才之盛衰毛

君力也所關豈淺渺哉獨惜是書成而毛君則以衰病死矣悲夫且君之修是志也體例一本胡氏亦自有說昔之精於志例者莫如章學誠氏章氏之書於志乘率少許可雖朝邑武功之赫赫皆詆之以為非體而於胡志無譏焉其答廣濟黃大尹書則稱引周書昌李南洞合修歷城縣志無一字不著來歷之論周李二氏即胡氏所延聘而其論即胡志之例言也胡志之無憾較然矣章氏又曰前志無憾但當續其所有前志所闕但當補其所無此尤為續志者所當奉為圭臬之論由是言之毛君之依胡氏體例正深明志例而得章氏遺意則是書之無憾又較然矣至其體例之精

續歷城縣志

毛序

濟南大公印務公司印

善備見於前志之序言茲故不復贅述云

民國十五年丙寅十月上濬山東省長公署政務廳廳長毛振鶚拜撰

續修歷城縣志序

歷城爲古譚子國其見於詩者詠杼軸之空與斗箕之歎以視乎
狃閒之並驅總角之突弁迴不相侔矣然既爲吾東省會之區齊
在其東魯在其南地勢沃衍山川邈迤土物可愛人才閒生岱宗
之神秀高接層雲河水之奔流羣驚駭浪撫斯土者宜何如體恤
民艱始無愧休養生息之術也縣志自乾隆年間胡君書巢因舊
志續修部分類居輦然有當至今更百餘年風俗之厚薄人才之
興衰以及因時建置過客留題有可以辨星野之疏補風化之缺
者聽其散失而罔知裒集不得謂非後起之責也夫佛慧峰青及
龍洞而天開異境明湖水碧對鵲華而山抱名城正不獨七十二

續歷城縣志

張序

一

濟南大公印務公司印

泉爲足徵深源之靈異也駐東藩之早蓋朗吟工部之詩騁馬足
於龍山輒詠坡仙之句迄於今舊學荒蕪世風日降棄道德而競
功利莫知禮義之防尙權詐而騫浮夸違論詩書之澤流極既衰
世變愈亟將古之所謂困役而傷財者反笑古人之拙而酒漿瓊
璫不必庶雲漢之有光棘匕簋殮不必詠周道之如砥且將以詩
人之憂傷爲多事矣今日者網羅舊聞不及時事葛屨可以履霜
周行之往來依舊穫薪可以無浸洸泉之清冽常新使後之人覽
此志者或因時局之變遷而謂纂言紀事者不復論時代之升降
夫亦可諒其苦衷矣此書之成始於己未七月竣於甲子九月閱
六寒暑始克蒞事乾嘉道咸以來百餘年間人才之繼起民物之

繁興燦然大備撫今追昔猶想見鍾毓之靈閱數千百年而今不
異於古者非盡關乎氣運亦民風之儉勤士習之醇謹有以正其
趨而爲之防始克歷久而不渝也近聖人之居自當以誦詩讀書
爲準而非聖無法在所必黜矣爲聖人之徒自當以正誼明道爲
衡而見利忘義在所必懲矣無已太康職思其居民俗之節儉當
如唐風之好樂無荒也饒彼南畝田畯至喜農事之勤劬當如邠
風之于耜舉趾也滄浪濯纓歌傳孺子單椒秀澤雲簇華峯民風
近古非獨一邑之光百八邑乘庶幾有所矜式也吾願讀此志者
知有關於世道人心之大勿視爲空言著述也夫乙丑春二月邑
人張英麟序

續歷城縣志

張序

一

濟南大公印務公司印

續修歷城縣志序

粵自己未之夏山東通志續稿告成吾邑同人爰有接修歷城縣志之舉於是廣搜故實博訪遺文竭六年之力而始成書可謂難矣歷之有志始自 國初葉氏奕繩本明崇禎時劉氏之書廣續成之歷年既久書已無存至乾隆中葉桂林胡氏書集宰是邑迺集諸名士蒐羅裒輯凡數歷星霜然後脫稿刊行自漢唐以迄

國朝乾隆中葉徵引博洽體例精嚴談邑志者稱焉獨是自乾隆辛卯以後又經一百六十餘年迄無續修之舉歷為齊魯首邑領袖一百八州縣泰山盪其南黃河互其北又有鵲華明湖諸勝靈秀鍾毓代有聞人或以政事稱或以文學顯與夫孝義節烈畸行

續歷城縣志

毛序

一 濟南大公印務公司印

異蹟藉藉在人口者所在多有乃求之公私著錄書闕有間徵文獻者每引以為憾夫此百餘年來其間學術之廢興世風之移易人才之消長幾乎月異而歲不同降而至於今日時經變亂世閱滄桑不於此急起直追將吾鄉之掌故永泯泯而無徵豈不大可懼哉然及今時而擬網羅軼聞訪求故事稽之於公家則册籍已蕩然無存問之於故老則耆儒又彫零殆盡欲如胡氏之延致名流肩編纂之任其難不啻倍蓰乃諸同人於若絕若續之交搜剔爬羅不遺餘力通志府志而外或掇之名賢遺集或采之荒榛殘碑凡有關於歷下事蹟莫不條分縷析搜探而備書之用力之勤用心之苦不因難而廢事卒底於成其志量之堅卓有不能殫述

者矣是書始自乾隆辛卯以後斷自宣統辛亥而止以成一代典章遵通志例也釐為五十四卷門類體例一以胡氏志為歸事實無可考者蓋闕如也編輯既竣同人以予領局事久屬為弁言於簡端因陳其崖略如右甲子夏日邑人毛承霖識

續歷城縣志

毛序

一 濟南大公印務公司印

續修歷城縣志凡例

歷邑舊有志書康熙時為葉志乾隆時為胡志茲之所續續胡志也門類體例一遵胡志已見原書者概不重錄凡稱前志者皆指胡氏志而言其有採自葉氏志者則祇稱葉志

續修之舉起於光緒季年至宣統三年軍事陡起倉卒之際錄稿十餘帙實未成書近自己未秋檢出原稿重加釐訂計刪削者十之二三增益者十之五六或本採訪或錄舊籍均於各條下注明其有仍用原稿者則注曰續修縣志初稿或省文曰初稿

道光年間重修府志時本有接修縣志之議當時吾邑採訪冊甄錄甚詳十年前刊印通志時於書肆中購得十冊取校府志實為續歷城縣志

續歷城縣志

凡例

一 濟南大公印書公司印

當時原冊今茲續修縣志頗得依據除府志通志外採自是冊者概曰續修府志採訪冊其曰府志兼採訪冊者亦指是冊而言

康乾兩朝 翠華疊次巡幸駐蹕省垣 睿藻 宸翰前

志搜羅宏富自乾隆戊辰以後 聖駕南巡俱不過省垣

聖製遂不易得卷首故爾闕如

縣志多載星野藉以占驗然一邑之地度數難以詳為畫分且各書所載不同益見紛糅至於占驗亦儒者所不道前志已略具梗概茲不再贅

胡君修志時正在歷城知縣任內關於里社戶口田賦等事稽之署中案卷而已足茲則署中案卷不能任便調查且聞年久亦多

不全或詳或略不能一致然祇據所見書之不敢逞臆杜撰也

國家幸際承平百餘年來士食舊德農服先疇邑之人敦禮教務耕織風俗原無殊於古昔近自學堂開辦漸染歐化風教視昔遽殊然省垣之地異方腐集未可以概土著也無煩觀舉

續修縣志初稿採取物產甚多然細加覈核如花木果蔬之類大都北方皆產非吾歷邑所獨有應亦無庸闡入

此次續修開辦伊始山水建置古蹟三門徐主政庚生任纂藝文一門張農部百之任纂均未及成書先後逝世遺稿由同局諸人

補綴而成於原纂人初意慮未必細創悉合惟原纂既費數年搜討之力不便輕於刪削又二君編纂之際從友人處搜羅文籍甚

續歷城縣志

凡例

一 濟南大公印書公司印

衆過時已多返之原人其所手錄間有一二可疑之處無他底本可以核對邦人君子有得見原書者幸是正之

胡志於山水一門提絜綱要脈絡分明舉凡岡巒嶺峪之起伏湖河泉水之漫衍悉附著於各段之中茲既不能重錄原文而山之

次序則仍以胡志為準水則大小清河而後泉與泉為類湖與湖為類其餘橋梁津渡酌以道里遠近亦各以類從焉

七十二泉之稱見於金名泉碑前人已譏為俗筆今即胡志考之已不止七十二蓋吾邑為濟水伏流泉源競發之地時隱時見正不必一一指其名以實之也

人物列傳為趙孝廉子開初編趙為膠州人於邑人素少接洽自

無瞻徇未逾一年趙因疾返里旋卽逝世編成之稿由總修毛君核定嗣後有增錄亦以卒在宣統三年以前者爲斷以符定例濟南商埠光緒末年開辦於建置中工程最巨且於外人時有交涉履斯土者不可不知其原委特將原奏定章程詳載以供披覽學堂亦興於光緒末年然尙在萌芽之時通省垣計之不過數處今計自宣統三年以前開辦者約略開列其餘俱未列入兵防爲國家整軍經武要政前志所載皆綠營舊制初稿原帙續錄數條以校前志頗有出入現無近年案牘足資印證且綠營已裁故爾從闕

續歷城縣志

凡例 二 濟南大公印務公司印

古蹟亭館多爲騷客吟詠所託卽一木一石而名賢遺迹在焉如名士軒白雪樓雖世代悠遠定址難尋然荒榛斷梗彌足動人憑弔之思披覽先哲遺編依類以求苟有所見雖舊址無存亦悉爲著之以誌嚮往古蹟中諸家記載詳略不同更兼有隱相牴牾之處蓋歲遠則異同難密事積則起訖易疏既均傳自往古因並列之以待後人之考證戴記曰皆如其國之故茲亦期無失其故而巳有本係一地而先後名稱不同如朗園卽遶園前明則爲賢清園按代分別各載以清眉目其他可以類推又有諸家著錄傳寫不同如匯泉寺或作慧泉壽聖院或作聖壽朗園或作琅園各從所採原本錄之不能從同也

也可園退園均在衙署內然既以園名則仍列入亭館匯波樓卽府城之北門城樓前人登高題詠多延攬明湖風景故仍附入大明湖亦前志例也

近世士大夫耽心嗜古金石幾成專門之學縣志開局關於吾邑金石特延濱南夏君魯生編纂成帙復由其弟麗生補綴輯成二卷近今吾邑發見金石大致備具惟古文篆隸等書鉛字排印不能強以比附多用近體改寫遂失其真不無遺憾前志職官表內特載內外汛武職今則綠營陸續裁汰舊日將弁亦凋零殆盡竟無從採訪故從闕如

續歷城縣志

凡例 四 濟南大公印務公司印

張文忠養浩爲元一代名臣所著歸田彙稿一書關於吾邑掌故最多乾隆時板已散失胡書巢採錄雲莊諸詩多取之元詩選茲得周書昌重刊本披覽一過關於吾邑故事爲前志未及採者分門纂入既以存一邑文獻且以彰先哲遺著易安居士爲千古名媛前志附其父列文苑傳獨改適一事未免蒙詬近世士大夫援證時事著爲篇章爲之辨誣者甚衆足爲前人洗濯誠一快事爰採掇其辭附之雜綴著書者均非邑人當不爲阿其所好嘉道以來邑人文學最著如翟周奕雲謝焜何鄰泉周樂余正西俱以詩名鷗杜聯盟觴詠詩酒足爲湖山生色其時官遊僑寓亦多儔雅之士採錄詩篇以此際爲多想見當年文物聲名之盛

前志以傳經者列儒林能文章者列文苑自明以來傳經者益鮮今凡有文學者俱入文苑其學行足爲人師表者附諸一行而儒林則任闕勿濫

列傳分類爲九各從其著如李敷榮博學多通而最以醫著故入方伎李醉琴頗有文學而本係道流故列仙釋餘可類推

前志列女 國朝得三百一十人蓋其慎也近自新通志出已逾

二千人加以兩次採訪及邑人陸續錄送其數益繁人數既多先後有無重複及是否已見前志頗費鉤稽然事關微顯闡幽與其遺也無重複也此心可以自問

著述一事莫要於稽古况修邑志尤非博考羣籍不足以廣見聞

續歷城縣志

凡例

五

濟南大公印書公司印

吾邑藏書之家素鮮開局後需用書籍多從友人借貸扶溝柳純齋太守僑寓稷垣搜羅東人著作甚富不吝乞假承惠良厚此外則假之邑人劉君恆發呂君志瀛爲獨多云

校書如掃落葉愈掃愈多此次用鉛字逐日排印工人不及久待校讎倉卒尤難致詳茲於裝訂成帙後覆校一次附錄刊誤表仍

不敢謂無疏漏也

郡縣志書例數十年一修今距胡君修志之時已百餘年其間豈

無通儒宿學足任纂述之事者然或甫議興修未及削簡或方事著手未能成篇誠以茲事體大頭緒萬端非率爾所能操觚同人

等學非班馬識類管瓶乃欲於絕續之交比迹前軌何能勝任愉

快惟是賢者識大不賢者識小世變日亟文獻遺微將就歇絕及今爲之猶有榜檢之遺考可以訪求斷爛之殘篇可以掇拾過此以往將並此而亦無之更大可懼是以竭數載之勤手鈔筆錄彙成此帙他日更有大著作家復卽是編重行刪訂則是編聊備採取之資可耳

輿地非圖不明近來學校尤講求精密吾邑向無精密細圖聞測繪學校有之未得借觀茲關於縣之全境仍用通志局之圖而加入鐵路其城廂圖則倩測量正王君慶升仿測繪學校圖爲之惟原圖衙署多近今名稱茲仍改依舊稱至商埠圖則依商埠局製成者均用石印法仿印以存梗概

續歷城縣志

凡例

六

濟南大公印書公司印

語云百聞不如一見邑人採訪所及有足證前志之誤者闕注一二以資訂正

續修歷城縣志凡例終

續修歷城縣志目錄

序

凡例

圖

卷第一

總紀

卷第二

地域考一 沿革

卷第三

地域考二 里社

續歷城縣志

目錄

卷第四

地域考三 戶口 田賦

卷第五

山水考一 山一

卷第六

山水考二 山二

卷第七

山水考三 山三

卷第八

山水考四 山四

濟南大公印務公司印

卷第九

山水考五 水一

卷第十

山水考六 水二

卷第十一

山水考七 水三

卷第十二

山水考八 水四

卷第十三

建置考一 城池 官署

續歷城縣志

目錄

卷第十四

建置考二 壇廟

卷第十五

建置考三 學校 兵防 巡警

卷第十六

古蹟考一 城址 故宅

卷第十七

古蹟考二 亭館一

卷第十八

古蹟考三 亭館二

濟南大公印務公司印

卷第十九

古蹟考四 亭館三

卷第二十

古蹟考五 陵墓

卷第二十一

古蹟考六 寺觀

卷第二十二

藝文考一 經部 史部

卷第二十三

藝文考二 子部一

續歷城縣志

目錄

三 濟南大公印務公司印

卷第二十四

藝文考三 子部二

卷第二十五

藝文考四 子部三

卷第二十六

藝文考五 子部四

卷第二十七

藝文考六 子部五

卷第二十八

藝文考七 子部六

卷第二十九

藝文考八 集部一

卷第三十

藝文考九 集部二

卷第三十一

金石考一

卷第三十二

金石考二

卷第三十三

職官表

續歷城縣志

目錄

四 濟南大公印務公司印

卷第三十四

選舉表一

卷第三十五

選舉表二

卷第三十六

世襲表

卷第三十七

地封表

卷第三十八

宦蹟錄

卷第三十九

列傳一

卷第四十

列傳二

卷第四十一

列傳三 文苑

卷第四十二

列傳四 忠烈

卷第四十三

列傳五 孝義

續歷城縣志

目錄

五

濟南大公印務公司印

卷第四十四

列傳六 一行

卷第四十五

列傳七 仙釋

卷第四十六

列傳八 方伎

卷第四十七

列傳九 編寓

卷第四十八

列傳十 列女一

卷第四十九

列傳十一 列女二

卷第五十

列傳十二 列女三

卷第五十一

雜綴一 軼事一

卷第五十二

雜綴二 軼事二

卷第五十三

雜綴三 軼事三

續歷城縣志

目錄

六

濟南大公印務公司印

卷第五十四

雜綴四 異聞

續修歷城縣志目錄終

初次續修歷城縣志纂修採訪姓氏 自丁未年起

監修

前戶部左侍郎丙子科傳臚 邑人吳樹梅

前江蘇候補道丙戌科進士 邑人汪懋琨

前候選道戊子科舉人 邑人毛承霖

分纂

前揀選知縣 辛卯科舉人 邑人張子傑

前揀選知縣 甲午科舉人 邑人王維言

前候選直隸州判乙酉科拔貢 邑人余士幹

前安徽候補知縣己酉科拔貢 邑人周襄

續歷城縣志

姓氏

一 濟南大公印務公司印

採訪

前候選訓導歲貢 生 邑人朱桐芬

附 生 邑人宋翹

廩 生 邑人胡際元

歲 貢 生 邑人李光遠

附 生 邑人楚家珩

附 生 邑人張延芳

前鴻臚寺序班附 生 邑人柳廷敬

附 生 邑人劉彤雲

附 生 邑人張書辰

廩

生 邑人王景波

庶務兼文牘

前候選訓導歲貢 生 邑人李福鑾

收掌

前議敘州同附貢 生 邑人沈彤恩

續歷城縣志

姓氏

一 濟南大公印務公司印

續修歷城縣志纂校採訪姓氏 自己未年起

監定

太子太保前都察院都御史乙丑翰林 邑人張英麟

總修

前候選道戊子科舉人 邑人毛承霖

分纂

前揀選知縣癸巳科舉人 膠州趙文運

前候選府經歷監生 曲靖夏曾德

前度支部主事癸卯科進士 邑人徐金銘

前度支部七品小京官己酉科優貢 邑人張福臻

續歷城縣志

姓氏

一 濟南大公印務公司印

前內閣中書丁酉科舉人 邑人張元鈞

前安徽候補知縣己酉科拔貢 邑人周襄

襄纂

前江蘇候補庫大使戊子辛丑併科舉人 邑人宋按遠

前山東勸業道商務科副科長 曲靖夏金年

分校

前熱河赤峰縣知縣乙未科進士 邑人張錫鴻

前廣東英德縣知縣丁酉科舉人 邑人楊恕祺

前候選訓導歲貢生 邑人李福巒

前內閣中書丁酉科舉人 邑人張元鈞

前分部主事附生 邑人武福恭

前候選布政司經歷監生 邑人吳鳳慈

前候選訓導附貢生 邑人陳棟

採訪

廩生 邑人胡際元

前甯陽縣教諭廩貢生 邑人嚴西清

廩生 邑人李振唐

歲貢生 邑人趙步雲

監生 邑人劉恆發

附生 邑人張延芳

續歷城縣志

姓氏

一 濟南大公印務公司印

附生 邑人張玉庚

前鴻臚寺序班附生 邑人柳廷敬

附生 邑人秦兆駿

前鴻臚寺序班附生 邑人李佩恩

附生 邑人孫英

文童 邑人顏文化

邑人陳毓華

邑人何毓慶

繪圖

陸軍一等測量正 邑人王慶升

庶務兼文牘

前候選訓導歲貢生邑人李福燮

收掌

前議敘州同附貢生邑人沈彤恩

督工

前揀選知縣庚子辛丑併科舉人邑人呂志瀛

前候選州判監生邑人汪縉泰

文童邑人林廷楨

繕書

文童濰縣張文翰

續歷城縣志

姓氏

三 濟南大公印務公司印

續修歷城縣志卷一

總紀

舊志總紀一門邑有兵事則書官制有變更則書其他如水旱穢
祥以及頒賑蠲漕亦纖細畢錄蓋一以地方之事為重也 國朝
自乾隆以來幸際承平官吏謹守成法不愆於舊至於兵戎亦祇
咸同之際髮捻迭次擾及縣境此外烽火稀聞惟黃河自咸豐五
年北徙至光緒朝屢決為患 天恩優渥振濟蠲緩之 詔
當時見於邸報者幾於無歲無之準諸前例理宜悉載迺縣册無
存記憶難周今第即見於新通志者略具一二斷爛之譏知所不
免逮於光緒季年新政迭興日巡警日學堂日諮議局地方有司
續歷城縣志 卷一 總紀 一 濟南大公印務公司印
竭蹶奉行官制亦稍變其舊矣縣為省會有關必先事關創制謹
逐一登錄以著變法之始焉

已 乾隆四十四年普免四十五年錢糧 見新通志

卯 四十八年旱巡撫明興不親祈雨奉 旨切責 同上

甲 四十九年濟南府旱無麥大饑出貸倉穀 同上 設主簿駐中宮

乙 五十年旱大饑人相食 續修府志 探訪册

丙 五十一年春饑餓殍踵接 夏疫 秋大熟

庚 五十五年春三月隕霜殺麥得雨復甦月餘大熟 以上俱續修府志 探訪册

普免錢糧並蠲額賦有差 見新通志

仁宗睿皇帝

辛 五十六年春正月濟南地震見新志
 壬 五十七年旱大饑免漕糧見新志
 癸 五十八年蝗不為災秋大熟同上
 甲 五十九年以歷城等州縣旱賞給貧民一月口糧見新志
 乙 六十年秋有勛免通賦及本年漕糧同上

嘉慶四年夏四月朔日月合璧五星聯珠見新志
 辛 六年夏五月雨雹志

癸 八年九月河決東阿衛家樓入大清河見府志
 甲 九年建濟南書院續修府志

乙 十年秋九月大雨血志
 續歷城縣志 卷一 總記

丁 十二年七月雨雹傷禾續修府志
 戊 十三年五月十二夜西門大街火延燒市肆百餘家見府志

庚 十五年正月大風竄 五月陳家園地裂數丈 巨治河水溢
 損稼 八月雨雹大風拔木

辛 十六年春不雨至於五月 夏六月大清河溢 秋救生蟲
 甲 十九年疫 修縣學東廡以上俱續修府志

乙 二十年有狼災見府志
 丙 二十二年五月大雨雹禾盡毀續修府志

丁 二十三年五月二十夜大雨約突泉一帶漂沒廬舍無算民多溺死見府志

宣宗成皇帝

巳 二十四年河決馬營墻入大清河水溢平地深數尺見府志
 庚 二十五年春大清河冰解壞船無數 七月十八天雨蛾
 辛 道光元年新府縣文廟 夏大疫以上俱續修府志

壬 二年夏六月丙午大雷雨錦陽錦雲二川山崩見新志
 癸 月舜廟井水溢由刷律巷達院署十餘日方止 秋八月

甲 三年秋有狼災 提學署著草生 大有年以上俱見府志
 乙 五年大旱饑志 重修縣學西齋

丙 六年二月二十八日大風竄晝晦三日乃止 重修貢院號舍
 丁 九年秋騰害稼穰 十月二十三日夜地震以上俱續修府志

戊 十年四月二十二日地震見府志
 續歷城縣志 卷一 總記

辛 十一年冬大雪平地深三尺見府志
 壬 十二年二月天鼓鳴 夏大旱 秋淫雨傷禾大饑以上俱續修府志

癸 十三年夏四月風雷雨雹大者重數斤續修府志
 甲 十五年春旱至五月不雨無麥同上

乙 十七年以山東巡撫兼理鹽政
 丙 二十三年夏四月彗星見
 丁 二十八年清查濟南府屬倉庫

文宗顯皇帝 成豐二年禮科掌印給事中毛鴻賓奉 旨回籍督辦
 團練編修李慶朝副之

甲	四年髮逆陷臨清省城戒嚴	通志
乙	五年河決河南銅瓦廂分流至張秋鎮穿運歸大清河入海	通志
丙	六年秋蝗	續修縣志初稿
丁	八年秋八月彗星出西北方	通志
戊	九年夏六月丁巳武庫災縣城垣十數丈壞民室廬無算	續修縣志
未	十年廣學額	見新通志
申	十一年春三月擒匪犯境	續修縣志初稿
酉	秋八月擒匪又犯境	續修縣志初稿
續歷城縣志 卷一 總記		
四 濟南大公學籌備處		
壬	穆宗毅皇帝元年夏疫	續修縣志初稿
癸	二年淄川匪首劉德浦據城叛省城戒嚴	續修縣志初稿
甲	書見	見新通志
乙	四年正月太白星晝見	見新通志
丙	五年建石圩	續修縣志初稿
丁	六年夏五月擒匪犯境	同上
戊	拾酋任杜賴汶光等率大股匪衆自戴家廟渡河圍撲省城由千佛山下東竄	同上
己	七年以擒匪蕩平免被擾地方民欠糧賦	見新通志
庚	八年春旱	續修縣志初稿
辛	修濟南府學	同上
壬	建尙志堂於金線泉	同上

甲	冬十月內監安得海潛行出京巡撫丁寶楨以聞得	旨奉獲
乙	正法	見新通志
丙	九年增修貢院號舍增同考官爲十四房	見新通志
丁	城北趙家莊	續修縣志初稿
戊	建機器局於	同上
己	德宗景皇帝乙亥光緒元年春三月約突泉市匪災	同上
庚	二年春旱自正月不雨至於閏五月	同上
辛	三年冬十二月西門大街災	以上俱續修縣志初稿
壬	五年修省城石圩及各礮臺	同上
癸	七年夏五月甲子彗星見東北方	同上
甲	八年秋七月彗星見東南方	同上
乙	八月河決桃園冬十一月堵築	同上
續歷城縣志 卷一 總記		
五 濟南大公學籌備處		
丙	合龍	以上俱見新通志
丁	九年六月河決小魯家莊水至城西北三空橋	續修縣志初稿
戊	截留	同上
己	京餉江北漕糧並撥銀四萬兩賑被水災民	見新通志
庚	十年霍家溜河套圍漫口合龍	建築黃河南北兩岸長隄
辛	九月加賑歷城等縣災民	十月截留本年新漕續辦冬賑並趕辦來年春賑
壬	十一年秋八月發內帑五萬撥京餉五萬又奉	諭旨由北海工程項下撥銀五萬兩賑濟歷城等縣被水災區
癸	建廣仁善局於院西大街	續修縣志初稿
甲	以濟南府知府爲督辦以本地士紳董其事施醫藥設義塾並	同上